

皇朝編年備要

二







皇朝編年



備要卷第一



凡七年



壺

山



陳

均

編

太祖皇帝

起庚申建隆元年  
止丙寅乾德四年



庚申 建隆元年

是歲周禪位唐國主李景吳越王錢俶荆南高保融湖南周行逢漳泉留

從效奉正朔蜀主孟昶稱廣政二十三年南漢主劉鋹大寶三年北漢主劉鈞天會五年

春正月甲

辰上受周禪即皇帝位

辛丑朔北邊奏契丹北漢連兵犯邊周帝命上領宿

衛諸將禦之上在周朝掌軍政凡六年士卒服其恩威數從征伐立大功於是主少國危中外始有推戴之議壬寅殿前都副點檢慕容延釗帥前軍先發癸卯大軍繼出軍校苗訓號知天文見日下復有一日黑光相盪指謂上親吏曰此天

命也是夕次陳橋驛軍士聚于驛門議曰主上幼弱我輩出死力破賊誰則知之不如先立點檢為天子然後北征都押衙李處耘具以事白上第斥及掌書記趙普因共以事理曉譬之諸將不可乃遣人馳告殿前都指揮使石守信都虞候王審琦二人皆素歸心上者將士環列待旦上醉卧初不省黎明軍士擐甲執兵直叩寢門曰諸將無主願策太尉為天子上驚起披衣未及應則相與共扶出廳事或被上身以黃袍且羅拜庭下呼萬歲上固拒之不可共扶上上馬擁逼南行斥又叩馬請曰夫濟天下者當使百姓戴若君父京師天下根本願號令諸將禁戢奪攘上曰甚善乃攬轡誓諸將曰汝等自貪富貴欲立我為天子能從我命則可不然我不能為若主也眾皆下馬曰唯命是聽上曰少帝及太后我皆北面事之公卿大臣皆我比肩之人也汝等無得凌暴近世帝王初入京城皆縱兵大掠擅劫府庫汝等無得復然事定當厚賞汝不然當族誅汝眾皆拜乃整軍自仁和門入秋毫無所犯上歸公署諸將擁范質等至上嗚咽流涕曰吾受世



宗厚恩為六軍所逼一日至此慙負天地將若之何質等未  
及對羅彥瓌挺劍而前曰我輩無主今日必得天子上叱之  
不退質等不知所為王溥降階先拜質不得已從之乃奉上  
詣崇元殿行禪代禮班定獨未有周帝禪位制書翰林承旨  
陶穀出於袖中遂用之宣徽使引上就龍墀北面拜受訖宰  
相扶上升殿易服東序還即位羣臣拜賀奉周帝為鄭王太  
后為周太后遷居西京○上一日罷朝坐便殿不樂者久之  
左右請其故上曰爾謂為天子容易耶乘快指揮一事而誤  
故不樂耳○上之初即位也欲陰察羣情頗為微行或諫上  
輕出上笑曰帝王之興自有天命周世宗見諸將方面大耳  
者皆殺之我終日侍側不能害也既而微行愈數曰有天命  
者任自為之不汝禁也軍校有獻手檮者曰可備不虞上笑  
投之地曰使我親用此事將柰何且當是時此物固足恃乎

之號曰宋

因所領節度州名也

大赦改元○贈周韓通

官

嘉其臨難不苟免也通與上同掌禁衛上之入京師也通時為副都指揮使欲率眾備禦王彥昇殺之上追贈

通中書令仍以禮葬之以彥昇棄命專殺終身不授節鉞

超進石守信等官職

守信自殿前都指揮使易鎮為侍衛馬步軍副都指揮使高  
懷德自馬步軍都指揮使易鎮為殿前副都點檢張令鐸自  
步軍都指揮使易鎮為馬步軍都虞候王審琦自殿前都虞  
候升防禦為節度為殿前都指揮使張光翰自虎捷左廂都  
指揮使為馬步軍都指揮使趙彥徽自虎捷右廂都指揮使  
為步軍都指揮使

遣使詣諸州

振貸○以趙並日為右諫議大夫樞密直學

士

初上領宋鎮普為書記與節度判官劉熙古觀察判官呂餘慶攝推官沈義倫皆在幕府至是普以佐命功遷

乃召熙古為左諫議大夫餘慶端明殿學士義倫戶部郎中

皇弟斥以加睦州防



御使

賜名

立太廟

從有司之請也歲以四孟月及季

拾以孟冬五年一禘以孟夏其七祀春祀司命及戶夏祀竈季夏祀中雷秋祀門及厲冬祀行皆竇儀所定也○尋上高祖眧謚曰文獻廟號僖祖陵曰欽陵妣翟氏謚曰文懿曾祖珽謚曰惠元廟號順祖陵曰康陵妣桑氏謚曰惠明祖敬謚曰簡恭廟號翼祖陵曰定陵妣劉氏謚曰簡穆考弘殷謚曰昭武廟號宣祖陵曰安陵陵名謚號皆竇儼所撰定也○時聶崇義所上郊廟器玉新圖尹拙等多所駁難乃悉令儀裁定頒行

二月尊母太夫人

杜氏為皇太后○加范質王溥魏仁浦吳延祚

官

上待周三相並以優禮質自司徒平章事昭文館大學士參知樞密院事加侍中溥自右僕射平章事監修國史參

知樞密院事加司空仁浦自樞密使中書侍郎平章事集賢殿大學士加右僕射自唐以來三大館職皆宰臣兼之首相昭文次監修次集賢國朝因焉○時質溥皆罷參知樞密又加樞密使吳延祚同二品以其父名璋故避之

三

月定色尚赤臘用戌

有司言周木德木生火故也

夏四月定

樂名

改周樂文舞崇德之舞為文德之舞武舞眾成之舞為武功之舞十二順為十二安樂章皆竇儼所定也

昭義李筠據澤州命石守信等討之

筠在鎮逾八年

陰為跋扈之計周世宗每優容之上遣使諭以受禪筠既延使者置酒張樂遽索周祖畫像置廳壁泣涕不已潛遣其親吏往北漢納款求援從事問丘仲卿說筠曰公孤軍舉事其勢甚危雖倚河東之援恐亦不得其力大梁甲兵精銳難與爭鋒不如西下太行直抵懷孟塞虎牢據洛邑東向而爭天下計之上也筠不能用北漢主傾國南下羣臣餞之汾水趙華曰李筠舉事輕易必無成陛下掃境赴之臣未見其可北漢主拂衣上馬軍于太平驛遣其平章事衛融宣徽使盧贊

建隆元年



將兵救筠筠留其長子守節守上黨自帥其眾南出與守信等遇于長平守信等大破之盧贇溺死筠走保澤州諸軍進

之圍五月己亥朔日有食之○遷周廟初詔改作周六

廟于西京至是成遣官奉神主遷焉郭進加洺州防禦兼西山巡

檢備北漢也上親征李筠六月克之○赦○秋七

月上至自澤州筠自焚獲北漢衛融進攻潞州筠子守節以城降北漢主遣歸謂趙華曰

果如卿言吾幸全師以歸但恨失衛融盧贇尔由是重文學之士久之華請老時已罷為左僕射遂使食其祿終身以趙

弘兼平章事○尋以融為太府卿初融之被執也上詰融曰汝教劉鈞助李筠反何也融從容對曰犬各吠非其主臣四

十口衣食劉氏誠不忍負之陛下宜速殺臣臣必不為陛下用縱不殺臣終當間道走河東耳上怒命左右以鐵搗擊其

首流血被面融呼曰臣得死所矣上曰忠臣也釋之命以良藥傳其瘡上命融致書于劉鈞求周光遜李廷玉約亦歸融

太原鈞不報融遂留以咎居潤權知鎮州初以知州易方鎮也八月

朔御崇元殿行入閣儀置待制候對官賜廊下食○入閣唐制起於天寶明

皇以無為守成詔晏朝喚仗百官從容至閣門入蓋唐前含元殿非正至大朝會不御次宣政殿謂之正衙每坐朝必立

仗於正衙或御紫宸殿即喚正衙仗自宣政殿兩門入是謂東西上閣門故謂之入閣其後遂為常朝之儀五代以來既

廢正衙立仗而入閣亦希闕不講至是復行之然御前殿非唐舊矣崇元殿即大慶殿前殿也待制候對者亦唐制也每

正衙待制官兩負正衙退後又令六品以下於延英候對皆所以備顧問其後每入閣即有待制次對官後唐天成中廢

至是復行之廊下食起唐正觀其後常參官每日朝退賜以食謂之廊殮唐末浸廢但於入閣起居日賜食今循其制以



皇弟少義領泰寧節度○立夫人王氏為

皇后彰德節度使饒之女也頒新權衡○以趙普為樞

密副使上之征澤潞也普請行上笑曰卿豈勝甲冑乎至是師還論功上曰普宜在優等遂遷九

月命石守信等討淮南李重進重進周太祖之甥也上之

受禪重進請入朝上賜詔止之重進自以前朝近親恐不得全乃決意反遣使請援於唐唐主不敢納荆南

高保融卒弟保昂領軍務保融性迂緩貶趙逢官

逢時為中書舍人上之征澤潞也山徑狹隘多石上自取數石於馬上抱之下皆爭負逢憚險為傷足留懷州及師還將

大有除拜逢又稱疾請於私第草制上怒貶房州司戶吳越推酒酷○冬十

月河決厭次又決靈河荆罕儒襲北漢汾州死之

詔誅其部將不用命者二十九人罕儒時為晉州鈐轄詔流內銓選士詔吏部流內銓

選用士人上親征李重進十一月克之重進自焚誅唐叛

臣杜著上使諸軍習戰艦於迎鑿唐主懼甚其小臣杜著頗有辭辯偽作商人由建安渡來歸而彭澤令薛

良坐事責池州文學亦挺身來犇且獻平南策唐主聞之益懼上命斬著於下蜀市良配隸廬州牙校十二

月上至自揚州○定縣望以上戶籍為率戶四千以上為中為中下凡五等三年一定版籍

之數國初戶數凡九十六萬七千有奇唐泉州留從

效稱藩○寬商征自唐末藩鎮擅利其後諸國分據故征筦尤繁是年詔所在毋得苛



留旅人非有當筭之幣勿搜其篋 **是歲幸國子監** 通監書在四月范祖禹帝學書在正月次月

籍記人才 應內外官為時所推者別籍之以待不次選用

**建隆二年** 唐國吳越荆南湖南漳泉奉正朔蜀稱廣政二十四年南漢大寶四年北

漢天會六年 **春正月幸造船務閱習水戰** ○遣使

**度民田** 周末遣使度田多失實至是上精擇其人仍加戒飭未幾館陶令坐括田不實杖流海島而人始知

畏 **浚蔡渠** 通淮右之漕也命右領軍陳承昭督其役 **二月幸飛山營**

**閱砲車** ○浚五丈渠 通東北之漕也亦命陳承昭督之夾汴河造斗門上曰河渠之

役非獲已煩民奉已之事朕不為也後改蔡渠為惠民河五丈渠為廣濟河 ○汴都仰給漕運歲調丁夫浚河糧皆自賫

上初即位即 **遣使監輸民租** 懲五代藩鎮重斂之弊也時符彥卿在天雄軍

取民尤悉上更賜公粟以媿之後闕式等並坐監輸增羨貶秩常盈倉吏以多入民租弃市而民力方少甦 **唐**

**李景遷南昌** 立吳王從嘉為太子監國守建康以左僕射嚴續知樞密院事湯悅佐之悅即殷崇

義也姓犯宣祖諱改焉唐主至南都城邑迫隘宮府營解十不容一二群臣日夜思歸唐主悔怒欲誅始謀者唐鑄發病

卒 **三月內酒坊火** 酒工乘火入三司盜官物酒坊使丁承規等坐棄市誅酒工五十人

宰相極諫上遽命釋 **却長春節及他慶賀貢獻** 之獲免者尚十二人

○ **幸作坊宴射** 上酒酣顧謂王彥超曰卿曩在復州朕往依卿何不納朕彥超頓首曰當

時臣一刺史耳勺水豈能容神龍乎上笑而罷翌日彥超上表待罪上遣中使慰撫之因謂侍臣曰沈湎於酒何以為人



朕或因宴會至醉 閏月解慕容延釗韓令坤兵

經宿未嘗不悔也 權 延釗自殿前都點檢罷為山南西道節度令坤自侍衛親

京師之兵以殿前侍衛二司領之時殿前司領騎兵之額三

十七步兵之額二十六侍衛司領騎兵之額三十五步兵之

額八 十三 金房等州饑遣使振之 夏四月癸

巳朔日有食之 嚴賊吏法 時滴河令李瑤坐 賊杖殺自後賊墨

之吏間有 寬麴鹽酒禁 漢法犯私麴者並弃市周祖始

實極刑者 五斤以私酒入城至三斗者始處極刑其餘論罪有差又以

前朝鹽法太峻定以官鹽闌入禁地貿易至十五斤私煮至

三斤者坐死以鈔鹽入城市三十斤以上者奏裁越明年及

乾德四年申下詔寬之罪至死者奏裁法益輕而犯者益鮮

累朝復從寬減 五月赦 皇太后寢疾上 置諸軍剩員

不復用死刑矣 憂懼乃降是赦 罷常參官序遷法 舊制皆以

以處退兵令所在揀 閱升驍勇退老弱 上曰是非循名責實之道會監門衛將軍魏仁

滌等治市征有羨並詔增秩自是不以序遷矣 募傳置

卒 先是調丁夫為 嚴故入法 五代以來牧守多武人率

之民以為苦 超判官左扶並坐故入 六月皇太后杜氏崩 后聰明

抵罪自後人始知奉法 每與上參決大事猶呼趙普為書記且為盡心吾

兒未更事也及寢疾戒上傳位少義曰若周有長君汝安得 至此因命趙普於榻前為誓 唐主景死 子煜立即從嘉

書其尾曰臣普記藏之金匱 歸金陵尊母鍾氏為太后后父名泰章易號曰聖尊后立妃 周氏為國后封其諸弟從善從誡從度從信以嚴續為



司空平章事湯悅右僕射樞密使罷諸屯田務歸州縣先是唐用李德明等議興復曠土為屯田典掌者非人大為民患至是罷之

### 秋七月解石守信等兵權

上既誅李筠及重進

一日召趙普問曰吾欲息天下兵與國家為長久之計其道何如普因言自唐季以來帝王數易由節鎮太重君弱臣強而已今莫若稍奪其權制以錢穀收其精兵則天下自安又言石守信王審琦等皆非統御才宜授以他職上悟於是召守信等宴酒酣屏左右謂曰我非爾曹之力不得至此念爾曹之德無有窮盡然終夕未嘗敢安枕而卧也守信等皆曰何故上曰是不難知居此位者誰不欲為之守信等皆頓首曰陛下何為出此言今天命已定誰敢復有異心上曰不然汝曹雖無異心如麾下之人欲富貴者何一旦以黃袍加汝之身爾雖不欲為其可得乎皆頓首涕泣曰臣等愚不及此惟陛下哀矜指示可生之途上曰人生如白駒過隙所為好富貴者不過欲多積金錢厚自娛樂使子孫無貧乏耳爾曹

侍臣一

何不釋去兵權出守大藩擇便好田宅市之為子孫計多置歌兒舞女日飲酒相懽以終其天年我且與爾曹約為婚姻君臣之間兩無猜疑上下相安不亦善乎皆拜謝曰陛下念臣等至此所謂生死而肉骨也明日皆稱疾請罷乃以侍衛都指揮使石守信為天平節度殿前副點檢高懷德為歸德節度殿前都指揮使王審琦為忠正節度侍衛都虞候張令鐸為鎮寧節度皆罷軍職獨守信兼侍衛都指揮使如故其實兵權不在也殿前副都點檢自是亦不復除授

以

皇弟少義為開封尹同平章事○張瓊為

殿前都虞候

上謂衛士如虎狼非瓊不能制

內客省使王贊知

揚州

上以江南未下素知贊有材有意大用之贊之任船覆溺死上悼之曰溺吾樞密使也○初唐制百職皆

九寺三監分典自開元中置諸司使而寺監之務始多歸焉國朝因之自內客省使至閣門使謂之橫班皇城使以下二



十名謂之東班宮苑使 八月削義武孫行友官行友

以下二十名謂之西班 在鎮逾八年上初即位行友不自安累乞解官歸山上不許

行友懼乃繕治甲兵將還據狼山以叛兵馬都監密表其事

上遣閣門副使武懷節馳騎會鎮趙之兵偽稱巡邊直入定

州行友不之覺既而出詔示之令舉族歸朝行友倉惶聽命

既至削奪官爵禁錮私第 女真貢馬女真本名朱里真番語舌音訛

曰女直肅慎之遺種而渤海之別族也或曰本姓挈三韓辰

韓之後於夷狄中最微且賤三國志所謂挹婁元魏所謂勿

吉唐所謂黑水靺鞨者今其地也有七十二部落不相統制

唐貞觀中渤海來朝太宗問其風俗因言及女真自是聞于

中國契丹阿保機乘唐衰取北方諸蕃三十六女真在其中

自後雖曰臣屬契丹然亦服叛不常契丹羈縻而已與契丹

言語不通無文字地皆山林險絕其俗剛勇善射能為鹿鳴

呼羣鹿而射之食生肉飲麋血醉則人為縛之不然必殺人

雖父母不免也其居以樺皮為屋官之尊者以九曜二十八

宿為號職皆曰勃極列猶中國總管也宗室謂之郎君事無

大小必以郎君總之

至是以名馬來貢

九月唐主煜使馮謐來貢

唐主手表自陳本志冲淡不得已而紹襲事大國不敢有二

鄰於吳越恐為所讒上優詔以荅焉初周世宗既取江北貽

書江南如唐與回鶻可汗之式呼

國主上因之於是始改書稱詔

以高保勗為荆南

節度保勗淫恣記室孫

遣使如唐吊祭上召見面

謂左右曰朕每遣使四方常諭以謹敕頗聞鮮克由禮遠人

何觀焉左右請齊之以刑上曰齊之以刑豈若其自然耶要

當審擇

其人耳

冬十月禁邊民出塞盜馬初五代募民盜

直籍數以補戰騎之闕上欲保境息民遂加禁

止前所盜馬盡還之由是夷狄畏慕不敢內侮

明憲皇帝

戎人馬官給其

明憲皇帝

明憲皇帝

明憲皇帝

明憲皇帝

明憲皇帝

明憲皇帝

明憲皇帝

明憲皇帝

明憲皇帝

明憲皇帝

明憲皇帝

明憲皇帝

明憲皇帝



后祔葬安陵

後改謚昭憲

十一月幸國子監○十

二月回鶻于闐來貢

初回鶻既為黠戛斯及唐將石雄等所破餘眾西奔吐蕃

貢○于闐王聖文自言出於唐宗室云

**建隆三年**

唐國吳越荆南湖南漳泉奉正朔蜀

稱廣政二十五年南漢大寶五年北

漢天會七年

春正月振淮南饑

初沈義倫使吳越歸言揚泗饑民多死郡儲尚多可

貸之至秋收新粟有司沮曰若歲荐饑將無所取償上以詰義倫對曰國家方行仁政自宜感召和氣立致豐稔上悅從之

詔長吏勸課農桑

自後或因歲首必下此詔

幸國子監○二

月嚴舉主連坐法

去歲太僕少卿王承哲坐舉官失實貶至是命常參官舉幕職令錄

有罪連坐○乾德間命陶穀等各舉其充郡佐者謬舉者坐罪

詔百官轉對

每五日內殿起居以

次轉對指陳時政得失事關急切者許牋時上章

定竊盜贓滿法

滿五貫足陌者死

幸國子監○二月定大辟詳覆法

懲五代藩鎮專殺之

弊初令諸州奏大辟案委刑部詳覆既又從宗正丞趙郃之請令諸州錄參與司法掾同斷獄○上嘗讀堯典歎曰堯舜

之世四凶之罪止從投竄何近代憲網之密耶蓋有意於措刑也故自開寶以後犯大辟非情理深害者多貸其死八年

三月有司言自二年至今計所貸死罪凡四千六百八人○上性寬仁多恕尚食供膳有蟲緣食器旁謂左右曰勿令掌

膳者知 詔以官車送軍衣

送戍卒衣並官給車乘毋得調民○開寶初詔諸道輦送

上供錢帛舟車並從官給勿以擾民

更定合班儀制

升六曹侍郎在給舍上郎中在補闕



上負外郎在拾遺上節度使在六曹侍郎上中書侍郎下故事北省官為侍從班五品壓南省四品六品壓南省五品節度使在諸司二品下至是改焉○又故事臺省官為侍從班內殿起居立於一品之前乾德間上見太子太保王溥班在臺省官後謂左右曰溥舊相當寵異之乃詔分臺省於東西遂為定制

**禁火葬**○留從

**效卒**

兄從願之子紹鑑嗣領軍務未幾衙將陳洪進誣紹鑑謀附錢氏執送于唐推張漢思為留後

夏

**四月追冊皇后賀氏**

諡曰孝惠

**定難李彝興貢**

**馬**

上方命工治玉帶即遣使以帶賜之彝興感服彝興即彝毅也李氏世為定難軍節度使彝興後唐清泰中襲兄彝

超之位周顯德中封西平王

**遣使按河北旱田**

是年七月復遣○乾德二年詔長吏

視旱即蠲其租勿俟報

**五月嚴差役法**

詔令佐檢察差役有不平許民自相糾舉京百

有要一

十一

司補吏須不礙役乃聽○差役古法也國初循舊制衙前以主官物里正戶長鄉書手以課督賦稅耆長弓手壯丁以逐捕盜賊承符人力手力散從官以奔走驅使在縣曹司至押錄在州曹司至孔目官下至雜職院虞候揀搯等人各以鄉戶等第差充熙寧四年始議使民出錢官為雇役謂之免役錢六年行保甲法置保正副大小保長機察盜賊七年輪保丁充甲頭催稅罷募戶長壯丁八年罷耆長令保正大保長管幹別立庸直雇承帖人隸其下元豐八年有言耆壯之役則歸於保甲之正長戶長之役則歸於催稅甲頭是使民出錢免役而復使之執役也有旨耆戶長壯丁並募充等第給雇錢其舊以保正代耆長催稅甲頭代保長承帖人代壯丁並罷紹聖元年復雇役法二年始以大保長催稅一稅一替罷差保頭以耆耆長錢支保正戶長錢支保長壯丁錢支承帖人建中靖國元年拘收大保長雇錢紹興二年拘收耆戶長雇錢十二年拘收壯丁雇錢蓋自保正長承帖人雇錢並起發而充役如故民力於是困矣此其大略也而其患皆起

宋隆二年



於以保甲代役戶寬狹不均重為民病

**吳延祚罷**

自樞密使出領雄武又陽鎮古伏羌之地也西

北接大藪材植所出戎人又擅其利及吳防知秦州置采造務歲發大木萬本以給京師西戎酋長帥眾來爭防出兵與

戰上不欲邊境生事命延祚賞詔赴秦州釋所繫戎俘能采造務

**六月修學祠**

初上命增葺學

舍祠宇至是成上自贊孔穎命宰相以下撰餘贊上一再臨幸命崔頌判監事頌始聚生徒講書上聞而嘉之遣中使徧

賜酒果又命修武成王廟

**秋八月命劇可久致仕**

以其年逾七十無請老意也時

為大理卿

**九月復書判拔萃科○冬十月班循資**

**格**及長定格編勅二十條

**武平周行逢卒**

子保權嗣領軍務衡州太守張文表聞保權立

遂作亂自衡州起兵據潭州保權表聞請救

**幸岳臺閱騎射○趙普檢**

備要一

**校太保樞密使**

樞密使不帶正官自普始

**十一月大閱**

辛酉大閱

西郊甲子又閱上謂近臣曰晉漢以來衛士不下數十萬然可用者寡頃闕去冗弱又親校其藝今悉為精銳矣

**南高保勗卒**

兄子繼冲嗣

**高麗來貢**

其王王昭也

**初班**

**曆于唐○十二月定強盜贓滿法**

滿三千足陌者死

**復置縣尉**

自萬戶至千戶置弓手有差盜賊聞訟事皆歸令尉五代以來節度使補親隨為鎮將與

令亢禮今還統於縣鎮將所領不及鄉村但郭內而已從趙普之請也○乾德三年仍詔諸州監軍巡檢不得與州縣事

**以姚內斌為慶州刺史**

時西羌屢為邊患故選用之上曰分邊寄者朕每優

恤其家厚其爵祿多與公錢及屬州課利使得市易特免征筭聽其召募驍勇以為爪牙朕雖減後宮之數極於儉約以



備邊費亦無所措也時諸僭偽之國未下而西北二虜未賓先是周朝已命李漢超守閩南馮繼業守靈武何繼筠守棣州郭進守洺州上受禪皆因其任又益選將帥之忠勇者委以邊寄於是得李繼勳於潞州賀惟忠於易州姚內斌於慶州延州有趙贊原州有王彥昇隰州有李謙溥瀛州有馬仁瑀通遠軍有董遵誨其家族在京師者撫之甚厚郡中莞權之利悉與之恣其圖回貿易免所過征稅許令召募驍勇以爲爪牙凡軍中事許從便宜每來朝必召對命坐賜以飲食錫賚殊異以遣之由是邊臣皆富於財得以養募死力使爲間諜洞知蕃情每入寇必先知之預爲之備設覆掩擊多致克捷自此無西北之虞得以盡力東南取荆湖川廣吳楚之地得猛士守四方推赤心待人之效也○繼筠居北邊前後二十年深沉有智略得士卒死力虜人畏伏○惟忠曉兵法有方略得士卒心用兵所向無敵名振北虜十餘年間不敢寇邊○內斌在州逾十年遠人畏伏目之爲姚太蟲

### 蜀河北租

時天下旱蝗河北尤甚

### 蜀

### 括逋租

龍遊令田淳上疏切諫蜀主不能用○淳嘗謂所親曰吾觀僭偽改廳堂爲宮殿紫綬爲黃服前驅

爲警蹕僚佐爲卿相妻妾爲妃后何如常稱成都尹無城族之禍乎或謂之曰如君之才固堪重寄宜少低抑淳曰吾安

能附狗鼠哉蓋指王昭遠輩也

是歲周鄭王遷居房州

知州上幼從文悅肄業及即位召見授太子中允判太府寺鄭王時在房上以文悅長者故用之

### 乾德元年

十一月改元○是歲荆南湖南平唐國吳越漳泉奉正朔蜀稱廣政二十

六年南漢大寶六年北漢天會八年

### 春二月天雄符彥卿來朝

欲

使之典兵趙普屢諫不聽宣已出復懷入從容言之上曰彥卿豈負朕耶普曰陛下何以能負周世宗上默然事遂寢○彥卿武勇有謀善用兵契丹旣滅晉北歸耶律德光母問其左右曰彥卿安在或對曰在徐州母曰不與彥卿來何失策



之甚也命慕容延釗等會周保權討張文表

師出江陵高繼冲降荆南平復以繼冲領

荆南上命延釗等欲因假道取江陵繼冲使來犒師李處耘遂將輕騎徑往襲之繼冲大懼奉表以三州十七

縣十四萬二千戶口來歸○初李景威請於荆門中道險隘處設伏襲王師繼冲不從扼吭而死上聞之曰忠臣也命厚

卹其家○未幾繼冲表請陪祀詔許澶滑等州饑遣

使振之○延釗至湖南保權拒守三月入

朗州獲保權湖南平王師之未至也張文表已敗死保權聞王師既下荆南懼而備

守遂命進討平之得州十四定折杖法徒流笞杖各有數凡流刑四曰

加役流杖二十配役三年流三千里杖二千五百里杖

十八二千里杖十七並配役一年徒刑五曰徒三年杖二十

二年半杖十八二年杖十七一年半杖十五一年杖十三杖

刑五曰杖一百為杖二十九十為十八八十為十七七十為

十五六十為十三笞刑五曰笞五十為十下四十三十為八

二十十為七舊據獄官令用杖至是定折杖法常行官杖厚

薄長短如周顯德中制徒流笞杖通用常行復義倉每

杖徒罪決而不役徒流皆背受笞杖皆髡受夏四月赦荆湖○置

諸州通判命文臣知州分節度使刺史之權也或節度使刺史有關則以文

臣代之於是賈玘等通判湖南等州李昉權衡州○乾幸

國子監○幸武成王廟○閱習水戰鑿池於朱明門

建隆二年



外選卒號水虎捷習

戰池中上數臨視焉

行應天曆

王處訥所定上為之序

幸玉津園閱騎射○五月命艾穎致仕

先是上命執政擇廷臣董在京

諸倉穎以工部侍郎充首選自以清望官辭不肯為上曰惟致仕乃免穎遂請老○建隆初下揚州以樞密院直學士社

韓監州稅以朝臣監諸州稅始此○國初承舊制用三司大將領糧料之職開寶六年改任京官以著作郎陸光範為糧料使未幾京城左右軍巡院亦改用士人以館陶令李萼安豐令趙中衡兼左右軍巡檢○尋又以京官為三司孔目官

泉州陳洪進廢張漢思自領軍務○六月定武成王廟從祀

先是上臨幸觀所畫名將指白起昭竇儀高錫等取歷代謀臣名將功業始終無瑕者配享冬梁周翰言昭等所定未當上以升黜之意有所勸懲不報

前代帝王祀典有夏一詔先代帝王每三年一享堯廟在臨汾舜廟在河中禹廟在陝湯廟在偃

師文王在鄴武王在鎬漢高祖在長陵宜更立光武廟于南陽唐太宗廟于禮泉

澶濮等州蝗

○定蜡社日太常博士和峴上言蜡蠟之別名聖朝以

正觀中以前寅禘百神卯祭社稷辰日臘享宗廟開元定禮三祭皆用臘辰以應土德有司請依開元禮三祭同用戌日

從之定進馬齋郎負

唐制禮部簡試太廟齋郎郊社齋郎文資也兵部簡試千牛備身及

太子千牛武資也蓋文武蔭補之制自後唐天成中定齋郎歲以三十人為限同光中定千牛左右仗各六負歲以十二負為限至是減之兵部每歲補進馬十負禮部補齋郎

十五負臺省六品諸司五品登朝第二任方得蔭補

命朝官知縣

大理正奚嶼知館陶縣監察御史王祐知魏縣楊應夢知永濟縣屯田負外郎于繼微知

縣楊應夢知永濟縣屯田負外郎于繼微知



臨清縣常參官知縣自嶼等始也。○時符彥卿久鎮大名專恣不法屬邑頗不治故特選強幹者往莅之其後右贊善大夫周渭亦知永濟彥卿郊迎渭揖于馬上就館始與彥卿相見略不降屈縣有盜傷人而逸渭捕獲暴其罪斬之不以送府渭先是為白馬主簿縣大吏犯法渭即斬之上奇其才故擢右贊善大夫。秋七月幸武成

王廟○幸新池閱習水戰○八月河決濟

州○頒新刑統竇儀等所定也張瓊自殺時軍校史珪石漢卿等方得幸

瓊輕侮之二人因譖瓊養部曲百餘人擅威福上召諭之不伏下有司案鞠瓊自殺上旋聞其家無餘財只有奴三人甚

悔以責漢卿漢卿曰瓊所養一敵女真來貢蠲登州沙百耳上命優卹瓊家亦不罪漢卿門島居民

租賦令專治舟九月北漢寇平晉軍郭進等救

備要一

十六

之未至寇遁時北漢以契丹兵入寇進往救之○進御軍嚴每入北漢境無不克捷上時遣戍卒

必諭之曰汝輩當謹奉法我猶赦汝郭進殺汝矣嘗選御馬直三十人隸進麾下押隊屬與北漢人戰往往退怯進斬十

餘人奏至上方閱武便殿厲聲曰御馬直千百人中始得一

二小違節度郭進遽殺之誠如此壘種健兒亦不足供之乃

潛遣中使獎諭之嘗有軍校詣闕訴進不法事上謂近臣曰

所訴事多非實蓋進御下嚴此人有過懼而誣之耳即執付

進令自誅之會北漢入寇進謂之曰我赦汝罪汝能殺寇則

薦汝于朝其人果立功而還奏遷其秩○後上令有司為進

治第用甃瓦有司言惟親王公主始得用此上怒曰郭進

控扼西山逾十年使我無西顧憂我視進豈減兒女耶冬

十月作版籍戶帖戶鈔○十一月陳洪進

稱藩○甲子郊奉宣祖配大赦改元先是認以冬至

建隆二年



有事南郊有司言冬至乃十一月晦前一日皇帝始郊不應近晦乃改用十六日甲子○郊天之禮唐制每歲冬至圓丘正月上辛祈穀孟夏雩祀季秋大享凡四祭昊天上帝親祀則并設皇地祇位國朝因之作壇於國城之南每歲令有司奉事於南郊其祭皇地祇及神州地祇亦因唐制皇地祇祭以夏至作方丘宮城北十四里神州地祇祭以孟冬別為壇於北郊云○太常博士和峴言祭不欲數今十一月十六日親祀南郊請權停二十九日南至之祀從之○司徒兼侍中范質為南郊大禮使翰林學士承旨禮部尚書陶穀禮儀使吏部尚書張昭鹵簿使御史中丞劉溫叟儀仗使皇弟開封尹尹美橋道頓遞使○先是上命范質等講求典故質乃詳定為南郊行禮圖令司天監定從祀星辰圖上之○癸亥享太廟是夕陰晦至夜分開霽上初詣太廟乘玉輅左諫議大夫崔頌攝太僕上問儀仗名物甚悉頌應對詳敏上大悅將升壇有司具黃褥為道上曰朕潔誠事天不必如此命徹之還宮將駕金輅顧左右曰於典故可乘輦否左右對以無害

乃乘輦壬申以南郊禮成大宴

十二月皇后王氏崩

廣政殿號曰欽福自是為例

謚曰孝明○后之事昭憲太后也曲盡孝敬每得其歡心

出鄭起楊徽之為縣令起顯德中嘗貽書范質言上有人望不宜握禁兵徽之亦嘗以是言於世宗上即位將因事誅之皇弟尹美義曰此周

忠臣也不宜深罪至是並出之鄭起一作孟起閏月覆試拔萃科○改卜

安陵于西京○北漢寇府州折德袞敗之

○奉赤帝為感生帝從聶崇義之請也國朝因唐制每歲四郊迎氣及土王日

祀五方五帝以五人帝配五官三辰七宿從祀崇義言國家以火德王宜別祀赤帝於是以上正月上辛祠之奉宣祖配

**甲子** 乾德二年唐國吳越漳泉奉正朔蜀稱廣政二十七年南漢大寶七年北漢天會九



年春正月行四時參選法不俟冬集以張去華

為右補闕去華為秘書郎上書自薦願與知制誥張澹並試上命承旨陶穀試之於講武殿澹不應

策問責授左司員外郎以去華為右補闕朝議薄去華躁進以是不遷秩者十六年范質王溥魏

仁浦罷以質等再表求退故也○自唐以來宰相入見必命坐大政事則面議之從容賜茶而退自餘號令

除拜刑賞發置但入熟狀畫可降出即行之質等自以前朝

舊臣稍存形迹每事具劄子進呈退即批所得聖旨同列書

字以志之由是奏御寢多而賜茶之禮遂廢○未幾質卒自

質寢疾上數親臨視器皿不具者賜之質以廉介自將門無

私謁五代以來宰相多取給方鎮質始絕之為相日命刺史

縣令必以戶口版籍為急每遣使者按民田及獄皆召見為

述天子憂勤之意時號賢相上後因講求輔弼謂左右曰范

質居第之外不營資產真宰相也太宗亦素重質以為前朝

宰相循規矩重名器持廉節無備要一以趙普同平章事李

出質之右者但欠世宗一死耳

崇矩為樞密使上既除普及崇矩無宰相書勅使問翰林陶穀穀謂自昔輔相未嘗虛位

唯唐太和中甘露事數日無宰相時左僕射令狐楚等奉行

制書今尚書亦南省長官可以書勅賈儀曰穀所陳非承平令典今皇第開封尹同平章事即宰相之任也上從之○尋命普監修國史先是宰相兼職皆內降制處分至是止用勅非舊典也夏四月親策制科周設賢良經學吏理三科至是親策賢良科得博州判官

穎贊改葬宣祖及昭憲皇后于安陵以孝明

孝惠二后祔尋以神主祔別廟孝明居上孝惠次之置參知政事

上欲為普置副而難其名稱召問陶穀下宰相一等何官穀

引唐參知政事為對薛居正時為樞密直學士呂餘慶為兵



部侍郎乃命二人並以本官兼之不宣制不押班不知印不升政事堂蓋未欲遽令與普齊也○史臣曰按唐參預朝政參知政事等職皆宰相任也高宗嘗欲用郭待舉參知政事復以其資淺止令同承受平章事則平章事亞於參政矣穀言失

**六月以皇子德昭為防禦使**前代皇子出閣即封王上以德

昭未冠特殺其禮非舊典也紹聖中皇子初命即封國公遂為故事

**河南北陝西蝗**○

**秋七月定選法**陶穀所上詔行之自是銓選漸有倫矣初張昭領選凡京官七品以下猶

屬銓自後京官以上無選中書門下特除而使府不許辟召幕職悉由銓授

**詔吏部奏擢**

**選人**上慮銓衡止憑資歷英俊或沉下僚命取選人堪升擢者上之

**八月置權貨**

**務**置於京師及沿江令商旅入金帛京師執引詣沿江給茶

**九月永安折德宸**

**卒**命其子御勳嗣知府州自是世襲

**冬十一月命王全斌等伐**

**蜀**蜀主以蠟書遣北漢謀連兵入寇上曰吾西討有名矣命全斌等將兵三萬由鳳州道劉少義等將兵二萬由

歸州道進討崔彥進曹彬等副之上詔諸將毋得侵暴違者以軍法從事又為蜀主治第以待其至蜀主聞王師出命王昭遠趙崇韜韓保正李進分兵拒戰全斌攻拔興州又敗蜀兵于三泉禽保正及進○初蜀於夔州鎖江為浮梁上設敵棚三重夾江列礮上出地圖指其處謂諸將曰沂江至此切勿以舟師爭勝當先遣步騎潛擊俟其稍却乃引戰棹夾攻可必取也少義至如上策攻克之高彥疇戰死於是蜀將焚浮梁而遁○時京師大雪上設氊帷於講武殿衣紫貂裘帽以視事忽謂左右曰我被服如此體尚覺寒西征將帥衝犯霜霰何以堪處即解裘帽遣中黃門馳驛齎賜全斌且諭旨諸將以不能備及也全斌拜賜感泣

乾德二年



**乙丑** 乾德三年

是歲蜀平唐國吳越漳泉奉正朔  
南漢大寶八年北漢天會十年

春

正月克劔門下劔州孟昶降蜀平

全斌等趨劔門次益

光得降卒言益光江東越大山數重有狹徑名來蘇蜀人於江西置柵對岸可渡自此出劔門南二十里至青疆與官道合若行此路則劔門不足恃也乃分兵趨來蘇跨江為浮梁以濟蜀人見之奔寨而遁遂至青疆與大軍夾擊劔門破之執王昭遠趙崇韜劉光義進克萬施開忠四州峽中郡縣悉下次遂州知州陳愈舉城降盡出府庫金帛以給將士初諸將辨行上謂之曰所破郡縣當傾帑藏為朕賞戰士國家所取唯土疆爾故人皆効命所至成功如席卷之易云是時蜀兵所在潰奔蜀主聞之大懼司空李昊勸昶降昶命昊草表前蜀之亡也降表亦昊為之蜀人夜書其門曰世修降表李家表至全斌以聞昶詣軍降自全斌等發京師至昶降凡六十六日得州四十六縣二百四十九戶五十三萬四千為西川路

止有年一

十

○初王師之下西蜀也諸將所過咸欲屠戮以逞獨曹彬禁止之故峽路兵終始秋毫不犯上聞之喜曰吾任得其人矣賜詔褒之王仁贍自蜀返歷詆諸將獨曰清廉畏謹不負陛下使者惟曹彬一人耳上嘗從容問彬以官吏能否彬惟薦沈義倫可任○昶尋至闕上表待罪詔釋罪昶入見上勞撫之賜賚甚厚始議伐蜀也詔有司治昶第一區凡五百餘間遂以賜之加昶檢校太師中書令秦國公仍授其子弟及偽相李昊等官未幾昶卒昶母李氏不哭舉酒酹地曰汝不能死社稷貪生至今日吾所以忍死者為汝在  
二月壬寅朔耳今汝既死吾安用生因不食數日亦卒

日當食不虧○赦西蜀

賜師所過租除科役賦調之無名者賑貧乏赦群盜

訪賢才敘官吏蜀人以安自是下嶺表平江南皆如之○上聞西川行營有大校割民妻乳而殺之者亟召斬之近臣營救頗切上流涕曰興師弔伐婦人何罪殘忍至此當速置法以償其冤○時蜀中群盜四起將士多驕恣全斌等不能禁

乾德三年



命呂餘慶知成都餘慶至捕斬軍校為劫者民乃寧居馮瓚  
知梓州瓚視事纔數日會亂卒嘯聚夜攻州城瓚曰烏合之  
衆必無固志旦自潰矣城中止有兵三百人分守諸門  
瓚坐城樓密令促其更籌未夜分擊五鼓賊驚遁去  
三

### 月令諸州賦入輸京師

自唐天寶以來方鎮屯重  
兵以賦入自贍上供殊鮮

五代方鎮益強率厚自利故趙普勸上革其弊時方鎮闕帥  
稍命文臣權所在場院間遣京朝官廷臣監臨又置轉運使  
通判條禁漸密由是利歸公上外權削矣○開  
寶六年令諸州錢物盡數係省毋得妄有支費

### 置封樁

### 庫

國初貢賦悉入左藏庫及取荆湖下西蜀儲積充羨上  
顧左右曰軍旅饑饉當預為之備不可臨事厚歛於民

乃於講武殿後別為內庫以貯  
金帛凡歲終用度之餘皆入焉  
夏五月大赦○秋七

### 月河決陽武○八月籍諸道驍勇補禁衛

借要一

十一

上親臨試之用趙普之謀也○按建隆中以諸郡本城兵共  
百役或更戍它郡三司禁旅就糧州郡亦不得常坐食於京  
師自列郡各置禁軍嚴差出占破之令而壯城作院各置指  
揮由是禁旅無就糧者而廂軍亦升為禁軍不復戍役矣○  
按祥符天聖編勅諸郡自騎射至牢城凡名額二百二十三  
總為本城而已所謂禁兵者皆三司之卒分屯而更戍今之  
屯駐駐泊之名而鈐轄都監監押之官所部領者也三邊之  
兵間因事宜升為禁軍者則所謂四十四處禁軍如咸平中  
升陝西選中保捷慶曆中升河北教閱本城為禁軍之類是  
已為是為就糧自元昊叛而西北有保毅王倫叛而東南有宣  
毅於是列郡稍置禁軍嘉祐中詔東南帥司各置威果凡二  
十五指揮亦無過九犬郡熙寧按天下廂軍之籍五十萬人  
而不足以戰於是教閱之法起其後以廂軍團併為額則今  
之兩浙崇節福建保節之類是也教閱之兵因別為額而隸  
之將下則今兩浙雄節福建廣節之類是也五年始排立就  
糧禁軍之下元豐兵令悉以雄節之類升同禁軍由是禁軍

元豐三年



始遍天下矣 九月河決澶州命治御講武殿閱兵

以馬軍為驍雄步軍為雄武並屬侍衛司初上命給諸軍婚錢俾取妻王繼勳主雄武軍不能戰下凡百餘人掠人妻女上聞大怒命捕戮之小黃推斬黃等州茶從淮南轉

門見而不奏亦杖數十運使蘇曉之請也斬黃舒廬壽冬十二月更定舅姑服制五州歲入百餘萬緡初令婦為舅姑服三年

**丙寅** 乾德四年唐國吳越漳泉奉正朔南漢春三

月廢義倉○夏四月禁獻羨餘詔曰出納之

張全操所言諸場院有羨餘芻粟者請行賞典此非培各謂之有司五

克民租私減軍食何以致之宜寢其事仍嚴加止絕

### 月收蜀圖書

上遣使收蜀圖書法物所上法物見相七

碎之○初上命宰相撰前世所無年號以改今元既平蜀得寶裝溺器曰自奉如此欲無亡得乎邊命

蜀鑑有乾德四年字上召陶穀實儀問之儀曰昔偽蜀王衍有

有此年號上嘆曰宰相須用讀書人由是益重儒臣○嘗謂近

近臣曰今之武臣欲盡令讀書貴知為治之道近臣莫對○上

上性嚴重寡言獨喜讀書雖在軍中手不釋卷顯德中從世宗

宗平淮甸或諧上曰趙某下壽州所載數車皆重寶也世宗遣

遣使驗之唯書數千卷無他物世宗召諭曰卿方為朕作將帥

聞見增

### 六月定內侍養子法

年滿三十無養策制父者聽養一子

### 科

於紫雲樓下上從容謂翰林學士承旨陶穀等曰則天女

良由此也因論前代帝王得失日晡乃罷河決觀城○田



秋七月置俸戶

聽州縣官各置俸戶月輸錢五百

以安守忠為

漢州刺史

上每遣使必戒之曰安守忠在蜀能自律已汝輩宜慕效之

八月河

決靈河

發夫卒數萬命韓重贊等董其役治之

以孔宜為曲阜縣主

簿

孔子四十四代孫也舉進士不中因上書述其世家特命之

宴近臣

紫雲樓下上因論及民事

謂趙普等曰愚下之民雖不分菽麥如藩侯不為撫養務行苛虐朕斷不容之普對曰陛下愛民如此乃堯舜之用心也○開寶中又嘗謂宰臣曰年穀登豐人物繁盛若非上天垂祐何以及此所宜共思濟治振舉闕政庶幾開泰平之基也

閏月求遺書○九月寬緣坐法

時蜀戍卒有二命在賊黨中者

或請按誅其妻子上曰朕慮其間有被賊驅脅非本心者乃盡釋之免者幾萬餘人

以党進領侍

衛步軍司

先是禁軍校自都虞候以上悉以所掌卒伍之數細書於所執之槌謂之杖記如笏記焉

進本出戎虜不識文字上一日問進兵籍幾何進不能對舉槌曰盡在是矣上笑謂其忠實益厚之進每擐甲胄則髭髯皆豎目光如電

冬十一月初用雅樂

日南至上御乾元殿受朝畢常

服御大明殿羣臣上壽初用雅樂登歌文德武功二舞先是上以禮樂之器尚多淪廢命太常寺和峴講求修復皆如舊制又以雅樂聲高命峴討論峴請以司天臺景表石尺為準取王朴所定尺校之短於石尺四分樂聲之高由此乃別造新尺并黃鍾九寸之管使工人校其聲果下於朴所定

二月竇儀卒

上以儀在滁州不與親吏綰每嘉其有守屢欲用儀為相趙普忌儀剛直遽引薛居

正呂餘慶為副又與陶穀趙逢高錫等共排之事遂寢卒終於翰林學士上憫然曰天何奪我竇儀之速也○上嘗岸幘



跣足召儀儀不肯入亟索冠帶而後召入儀因進曰陛下創  
業垂統宜以禮示天下上歛容謝之由是對近臣未嘗不冠  
帶○穀文翰冠一時自以久次意希大用然爲人  
傾側狠媚事魏仁浦望塵而拜上素薄之遂不用

# 皇朝編年

## 備要卷第一







